



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 44. Condæus Princeps a Danvilla captus.

[urn:nbn:de:hbz:466:1-66641](https://nbn-resolving.de/urn:nbn:de:hbz:466:1-66641)

Sæc. XVI.
A.C. 1562.

viribus in hostilem Gallorum pedum, & Germanos ex fuga collectos impetum faciunt, eosque fundunt, dum interea Hispani, qui sequebantur, magnam, ac cruentam stragem edunt. inde tam in equitatum hostilem, qui jam conflixerat, quam illum qui adhuc immotus steterat, Santandreanus, & Giusius, unacum Damvilla, qui se se illis coniunxerant, totam vim converterunt, sed & illos post quartam campestrium tormentorum displosionem, & exiguum certamen, quippe tres primi ordines tantum ad manus venerant, mox fuderunt, atque in fugam egerunt quamvis Andelotus ex violento febris accessu debilis, omnem operam impenderet, ut Germanis e fuga revocatis certamen restitueret, qui tamen, cum milites pavidos retinere non posset, Treonum petiit, ibique aliquot horarum quiete refectus, se ad tuos non sine discrimine contulit.

§. XLIV.

Condæus Princeps a Damvilla captus.

Thuan. l. 34.

Nec tamen cedebant Condæus Princeps, & Colinius Archithalassius, qui vix ducentis equitibus ex conflitu ad signa revocatis, Germanos equites, ut denuo secum certaminis aleam tenta-



Sæcul. XVI.

A.C. 1562.

tentarent, hortabantur; verum illi sclo-
petos amissos caussati cum cunctarentur,
ac postremo accelerato gressu recede-
rent, secumque Gallos metu pene ex-
animatos traherent, Condæus Princeps
eos sequi coactus est, accepto jam in
manu vulnere, vixque exiguum spa-
tium progressus, equo, qui in crure
sclopeto iactus fuerat, deficiente, cum
eum mutaret, a Damvilla, qui cum
valido agmine supervenerat, capiebatur.
Postea Germani, & Galli, cum cæduam
silvam, & vallem subjectam pertransiis-
sent, in clivum enituntur, in eoque
fubsistunt, cum vero interea Guisius in
Germanis peditibus, quorum duo mil-
lia se ad lævam maceris vicinis inclu-
serant, expugnandis occuparetur, fu-
gienti equitatui, ut se ex pavore colli-
geret, & ordines restitueret, tempus in-
dulgebatur; ecquidem Santandrea-
nus Marecallus in id incumbebat, ut
eos inféqueretur, illosque dissipatos, an-
tequam rursus coirent, aggredieretur,
quibus cæsis alios, qui Momorantium
Connestabilem captum abducebant,
adsecutus, hunc Belliducem ex ipsorum
manibus recipere, eique libertatem pro-
curare volebat: verum tarda nimis e-
rant Santandreani molimina.

§. XLV.

